

ՕԾՎԵՅ ՄԵԾԱՄՈՐԻ Ս. ՂԱԶԱՐ ԵԿԵՂԵՑԻՆ

Նոկտեմբերի 22-ին, ձեռամբ Ն.Ս.Օ.Տ.Տ. Գարեգին Բ Ամենայն Տայոց Կաթողիկոսի, օծվեց Արմավիրի թեմի Մեծամոր քաղաքի միակ՝ Ս. Ղազար նորակառույց եկեղեցին: Եկեղեցին կառուցվել էր դեռևս 2002 թ. ամերիկաբնակ Կեր և Կիկին Զավեն և Ազատուհի Դադեկյանների ազնիվ բարերարությամբ:

Ամենայն Տայոց Կաթողիկոսին և իր շքախմբի անդամներին Արշալույս գյուղի սահմանագլխին դիմավորեցին Արմավիրի մարզային և քաղաքային իշխանությունների ներկայացուցիչները՝ Արմավիրի թեմի առաջնորդ Տ. Սիոն եպս. Աղամյանի և մարզպետ Ալբերտ Ներոյանի գլխավորությամբ: Ապա ամենքն ուղղվեցին դեպի Մեծամոր, ուր բարձունքի վրա վեր խոյացած եկեղեցու առջև հավաքված խանդավառված ժողովուրդը, փարեց և երիտասարդ, ծաղիկներով, աղ ու հացով ողջունեցին Ամենայն Տայոց Գարեգին Բ Տայրապետին:

Եկեղեցականների թափորի ուղեկցությամբ, Տայրապետական իր օրհնությունը բաշխելով ժողովրդին, Նորին Սրբությունն ուղղվեց դեպի Ս. Ղազար եկեղեցի, ուր կապարեց եկեղեցու օծման արարողությունը: Աղոթքների ընթերցմամբ և հոգեգմայլ շարականների երգեցողության ներքո Տայոց Տայրապետն օծեց եկեղեցու Սուրբ Մեղանը, ապա Ներսես արքեպս. Պողապալյանն օծեց Խորհրդարանները, իսկ Սիոն Սրբազանը՝ Մկրտության Ս. ավազանը: Օծումից հետո Վեհափառն օրհնեց նաև եկեղեցու բարերարներին:

Արարողության ավարտին ներկաներին դիմեց թեմակալ առաջնորդ Տ. Սիոն եպս. Աղամյանը: «Այսօր պարմական օր է, քանզի այսօր, կամոքն Աստուծո, բախարավորությունն ունեցանք օծելու Մեծամորի այս եկեղեցին: Նիրավի, այս եկեղեցին օղի և ջրի պես անհրաժեշտություն էր այս համայնքի և շրջակա գյուղերի համար: Մենք շատ լավ գիտենք, թե ի՞նչ վիճակում է գտնվում այս համայնքը հոգևոր իմաստով՝ այլազան կրոնական շարժումների բույն դարձած: Սակայն այս եկեղեցին, հառնելով քաղաքի այս բարձրադիր փեղում, դարձավ փրկության փարոս մեր ժողովրդի համար», - նշեց Սրբազան Տայրն իր խոսքում՝ կրկնակի ուրախություն հայտնելով Նորին Սրբության ներկայության համար և հայցելով Ամենայն Տայոց Կաթողիկոսի հայրական օրհնությունն ամենքին:

«Բոլորս քերկրանքի և խնդության մեջ ենք, որովհետև երկնքից այսօր, օծմամբ Ս. Ղազար եկեղեցու, օրհնություն է հեղվում վերստին Տայոց աշխարհի և մեր անձերի վրա: Այս բարձունքի վրա Տայոց Եկեղեցու խաչը պարզվեց դեպի երկինք ու հովանի դարձավ Մեծամոր քաղաքին:

...Եկեղեցին 1700-ամյա մեր պատմության ընթացքին, երբ չենք ունեցել պետություն, զորք ու բանակ՝ մեր Տայրենին, մեր տունը պաշտպանելու, եկեղեցին դարձել է ամրոցը մեր ժողովրդի ու համախումբ, միասնական ու ապահով պահել իր հարկի ներքո և առաջնորդել է դեպի նոր ժամանակներն ու դարերը: Եկեղեցու մեջ մենք գտել ենք մեր ինքնությունը, այդ ինքնությունը պահպանելու խորհուրդը: Եկեղեցու մեջ մենք կերտել ենք մեր մշակույթը և մեր պատմությունը:

...Որքան ուրախ ենք, որ մեր ժողովրդի զավակներն այլևս Մեծամոր քաղաքում ունեն այն վայրը և աղոթատեղին, ուր պիրի գան իրենց հավատարմություն

նը պահելու իրենց հայրերին, մեր պատմությանը ու մշակույթին, դարերի մեր երազներին և ուխտելու այս Սուրբ Սեդակի առջև՝ անշեղ ընթացքով կյանքի կոչել այն իղձերն ու տեսիլքները, որ դարերով ծրարած պահել ենք մեր հոգիներում՝ ունենալու հզոր Նայրենիք, պայծառ ու շեն Եկեղեցի և լուսավոր ու բարեկեցիկ կյանք:

Վարսահ ենք, որ նորած այս եկեղեցին նորովի պիտի անդրադարձնումի առաջնորդի ձեզ, սիրելի մեծամորցիներ, որ Եկեղեցին է եղել փրկության տապալնը մեր ժողովրդի և այն շարունակելու է իբրև այդպիսին գործել մեր կյանքում: Այս գիտակցությամբ, հավատքով ու համոզումով մենք պիտի հեռու վանենք մեզանից ամեն օտար ու խորթ կրոնական քարոզչություն, որ գալիս է մեզ շեղելու մեր հայրերի հավատքից, շեղելու մեր ընթացքից, որ անշեղորեն առաջնորդել է մեզ 1700 տարիներ դեպի Աստված, որ երաշխիքն է եղել մեր հարստության, լինելության և գոյության», - ասաց Նայոց Նայրապետը՝ շնորհավորելով ներկա բարեպաշտ ժողովրդին իրենց քաղաքի եկեղեցու օծման առիթով: Նորին Սրբությունն իր գնահատանքն ու օրհնությունը բերեց եկեղեցու բարերարներին, որոնց կյանքը եղել է նվիրում ու անմնացորդ ծառայություն Նայաստանյայց Առաքելական Ս. Եկեղեցուն, ազգին և Նայրենիքին:

Վեհափառ Նայրապետը նաև իր բարձր գնահատանքը բերեց թեմի բարեջան առաջնորդին և թեմի բոլոր հոգևոր սպասավորներին՝ հորդորելով սիրով և նվիրումով շարունակել իրենց ծառայությունը: Այս առիթով Նորին Սրբությունը շնորհավորեց նաև Մեծամորի քաղաքապետ Աշոտ Գրիգորյանին, որի անմիջական ջանքերով է կառուցվել եկեղեցին և բարեկարգվել շրջակա տարածքը:

Օծման արարողությունից հետո Վեհափառ Նայրապետը ներկա գտնվեց համերգային ծրագրին՝ պատրաստված քաղաքի գեղարվեստական խմբերի և արվեստի դպրոցի սաների ջանքերով:

Նորին Սրբության շքախմբի կազմում էին Տ. Ներսես արքեպս. Պողոսյանը, Կոստյաքի թեմի առաջնորդ Տ. Առաքել եպս. Քարամյանը, Մայր Աթոռի դիվանապետ Տ. Արշակ եպս. Խաչատրյանը, Մայր Աթոռ Ս. Էջմիածնի լուսարարապետի պաշտոնակատար Տ. Արտակ վրդ. Տիգրանյանը, ազգային բարերարներ:

Ներկայիս Արմավիրի թեմում կան 16 գործող եկեղեցիներ, որոնցում սպասավորում են 15 հոգևորականներ:

ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՆԱՄԱԿԱՐԳ



ՄԵԾԱՄՈՐԻ ՆՈՐԱՅԻ Ս. ԴԱԶԱՐ ԵԿԵՂԵՑԻՆ